



# বলো কলকাতা

সর্বদা সত্যের খোঁজে...

All india registered digital media platform

Reg by - Gov of india



রাজ্যে নতুন স্বপ্ন দেখাচ্ছে  
টাটা গোষ্ঠী

রাহুল গান্ধির বাসভবনে  
দিল্লি পুলিশের 'অভিযান'

বাংলার জন্য রণকৌশল  
বিজেপির

শিক্ষায় নিয়োগ ছাড়া  
পুরসভাতেও কি বেআইনি নিয়োগ  
চক্র শাস্তনুদের?

epaper.bolokolkata.com

কলকাতা ৫ চৈত্র ১৪২৯, সোমবার ২০ মার্চ ২০২৩ অনলাইন সংস্করণ

৬ পাতা



## মুখ পুড়লো বিজেপির

বলো কলকাতা, নিউজ ডেস্ক:- বর্তমান সময়ে পশ্চিমবঙ্গে তৃণমূল সরকারের বিরুদ্ধে একাধিক দুর্নীতির অভিযোগে সরব রাজ্যের প্রধান বিরোধী দল বিজেপি। একাধিক সময়ে কেন্দ্রের কাছে রাজ্যের একাধিক দুর্নীতির অভিযোগ নিয়ে নালিশ ঠুকেছেন বঙ্গ বিজেপির নেতারা।

সেই দুর্নীতির অভিযোগ সরেজমিনে খতিয়ে দেখতে গত একবছরে শুধুমাত্র গ্রামোন্নয়ন প্রকল্পগুলির কাজ পর্যালোচনা করতে রাজ্যে এসেছে ৭১টি কেন্দ্রীয় পর্যবেক্ষক দল।

সংখ্যাটা চমকে দেওয়ার মতো হলেও এটাই সত্যি। অন্যদিকে, নবান্ন সূত্রে খবর গুচ্ছ-গুচ্ছ কেন্দ্রীয় পর্যবেক্ষক দল বাংলায় এসে অভিযোগ খতিয়ে দেখার পর বড়সড় কোনো দুর্নীতি চিহ্নিত করতে পারেনি। নবান্ন সূত্রে দাবি, কোনো কেন্দ্রীয় দলের রিপোর্টেই শেষ পর্যন্ত দুর্নীতির উল্লেখ দেখাতে পারেননি তারা।



## রাজ্যে নতুন স্বপ্ন দেখাচ্ছে টাটা গোষ্ঠী!

জয়ন্ত চক্রবর্তী, কলকাতা:- যে টাটার শিল্প বিনিয়োগ বন্ধ করে বাংলার মসনদে বসেছিলেন বর্তমান মুখ্যমন্ত্রী শ্রীমতী মমতা বন্দ্যোপাধ্যায়, গড়ে ছিলেন তৃণমূল সরকার, দীর্ঘ পনেরো বছর পর আবার সেই টাটা গোষ্ঠী শিল্প গড়তে চলেছেন এই বাংলায়। গতিদিন নবান্নে শিল্প বাণিজ্য বিষয়ক আলোচনায় তিনি বলেন যে টাটা- হিতচি ঝাড়খণের একটি কারখানা বন্ধ করে পশ্চিমবঙ্গের পশ্চিম মেদিনীপুরের খড়গপুর সেই কারখানা গড়তে চলেছে। প্রায় আট হাজার একর জমির প্রয়োগ, সরকার তা অধিগ্রহণ করে তুলে দেবে টাটা গোষ্ঠীর হাতে। তবে কোনরূপ জোর করে নয়, জমি মালিকদের সাথে আলাপ আলোচনা করেই তা অধিগ্রহণ করা হবে। এই শিল্পের সাথে টাটা গোষ্ঠীর আরো তিনটি সংস্থা বিনিয়োগ করবে এই রাজ্যে। প্রায় কয়েক হাজার কোটি টাকার বিনিয়োগ হতে চলেছে আগামী ১০ বছরের মধ্যে, এমনই দাবি করলেন মাননীয় মুখ্যমন্ত্রী শ্রীমতী মমতা বন্দ্যোপাধ্যায় নবান্নের শিল্প বৈঠকে। এখন দেখার টাটা গাড়ি কারখানা নিয়ে সিঙ্গুরের জঙ্গি আন্দোলন ৩৪ বছরের সরকারের শিখর উপড়ে তৎকালীন বিরোধী নেত্রীকে বসিয়েছিল রাজ সিংহাসনে, আজ পনেরো বছর পর সেই টাটার সাথে সব তিক্ততা ভুলে আজকের মুখ্যমন্ত্রী মমতা বন্দ্যোপাধ্যায় ও তার দল তৃণমূল সরকারকে আগামী দিনে কোন পথে নিয়ে যায়, আর কতটা ডিভিডেন্ট তুলতে পারে এই সরকার। যখন বিভিন্ন কেলেঙ্গারি তে জেরবার বর্তমান সরকার সেই সময় কি আবার টাটা গোষ্ঠীই কি বিরোধীদের চাপ থেকে বার করে আনতে পারবে বর্তমান তৃণমূল সরকার ও মাননীয় মমতা বন্দ্যোপাধ্যায়কে। অপেক্ষা করতে হবে, উত্তরের জন্য।

## শিরোনাম

- শান্তনু ঘনিষ্ঠ প্রমোটার অয়ন শীলের ফ্ল্যাট থেকে উদ্ধার হল, বিভিন্ন পৌরসভার নিয়োগের গুরুত্বপূর্ণ নথি সহ প্রায় ৩৫০ টি ও এম আর সিটি।
- নিয়োগ দুর্নীতি কাণ্ডে ধৃত বহিষ্কৃত তৃণমূল নেতা শান্তনু বন্দ্যোপাধ্যায় ঘনিষ্ঠ প্রমোটার অয়ন শীল টলিউডের প্রযোজক সংস্থার সঙ্গে যুক্ত। এমনটাই দাবি করা হয়েছে ইডির তরফে।
- গঙ্গার পলিতে পোষ্যদের কবর। চাঞ্চল্যকর ঘটনা হাওড়ার শিবপুর শ্মশান ঘাটে। অনেক সময় জোয়ারের স্রোতে সেই দেহ ভেসেও যাচ্ছে। অভিযোগ এভাবে গঙ্গার চরে কবর দেওয়ায় ছড়াচ্ছে মারাত্মক দূষণ।
- বাঁঝালো বক্তব্য পেশ করতে গিয়ে বিতর্কের কেন্দ্রবিন্দু কেন্দ্রীয় মন্ত্রী



নিয়োগ দুর্নীতি মামলায় এই মুহূর্তে গরাদের পিছনে আছেন পর্যবেক্ষক সভাপতি থেকে শুরু করে একাধিক আধিকারিক। রাজ্য সরকার যখন এসএসসি নিয়োগ দুর্নীতি মামলায় অনেকটাই ব্যাক ফুটে, তখনই রাজ্যে শিক্ষক নিয়োগ দুর্নীতি কাণ্ডের তদন্তে নেমে একাধিক পৌরসভাতেও নিয়োগ দুর্নীতি সংক্রান্ত তথ্য পেল এনফোর্সমেন্ট ডিরেক্টরেট।



শিক্ষায় নিয়োগ ছাড়া পুরসভাতেও কি বেআইনি নিয়োগ চক্র শাস্তনুদের? শান্তনু ঘনিষ্ঠ প্রমোটার অয়ন শীলের সল্টলেকের অফিস থেকে উদ্ধার তথ্য। কম্পিউটার হার্ডডিস্ক থেকে উদ্ধার তথ্য। রাজ্যজুড়ে ৭০টি পুরসভায় নিয়োগের তথ্য মিলেছে, খবর ইডি সূত্রে। রাজ্যজুড়ে পুরসভাতেও কি বেআইনি নিয়োগের চক্র শাস্তনুদের? হার্ডডিস্ক থেকে উদ্ধার নথি দেখে প্রশ্ন ইডির, খবর সূত্রের।

## DEBIT SIR AWARD

### SHAROD SAMMAN

মোঃ - ৮৬৯৭৭ ৭৫১২৩

## বঙ্গীয় প্রতিভা অন্বেষণ ২০২৩

(প্রতিযোগিতামূলক)

অঙ্কন	সকাল ৯.৩০মিঃ	ক্রাফ্ট	সকাল ১১.৩০মিঃ	নৃত্য	দুপুর ২.৩০ মিঃ
<b>হরিদেবপুর ৪১ পল্লী</b> ৯ই এপ্রিল, ২০২৩, রবিবার যোগাযোগ - ৯২৩০৮ ১৮০৬৯ <b>রাজডাঙ্গা নব উদয় সংঘ</b> ২৩শে এপ্রিল, ২০২৩, রবিবার মোঃ - ৯৮৩০০ ৬৮৫২১ <b>বাঘাঘাট বিবেকানন্দ মিলন সংঘ</b> ৩০শে এপ্রিল ও ১লা মে, ২০২৩ মোঃ - ৯৩৩০৮ ৬১৯৯৮					

পুরস্কার বিতরণী অনুষ্ঠান ১৪ই মে (রবিবার) বিকাল ৩টে রামকৃষ্ণ মিশন ইনস্টিটিউট অফ কালচার, গোলপার্ক, দক্ষিণ কলকাতা

## OFFBEAT OF PURULIA AJYODHYA PAHAR

- Mud House
- Tent Camping
- Fooding & Lodging
- Bonfire
- Chhau Dance
- Jhumur Songs
- Trekking new destination

## PALASHBANI FAMILY RESORT

BAREDI, BAGHMUNDI, PURULIA

# 8777545494, 9903583821



বহু প্রশংসিত তন্ত্র ও মাতৃসাধক **শ্রী গোবিন্দ আচার্য**  
**Tantra Bagish, Samudrik Ratna, Gold Medalist (Benaras)**  
**K.B.S. (N. Delhi), M.R.A.S. (London), I.S.C.A & B.M.U. (Cal)**  
**7/1, Jessore Road, Dum Dum, Kol-28**  
**Mob. : 8777091514 / 9748876046** YouTube f



## কর্মখালী

- অতি সত্বর সাবলীল হিন্দি বাংলা ও ইংরেজি ভাষা জানা মহিলা টেলিকলার প্রয়োজন। (M) 9831808242

## ব্যবসা বাণিজ্য

- গ্রহরত্ন ক্রয় বিক্রয়**  
নগদ অর্থের বিনিময়ে সকল প্রকার ভালো পুরাতন গ্রহরত্ন ক্রয় করিব। 9231585876

## অভিনেতা ও অভিনেত্রী

- ফ্রি**  
টিভিতে এডে অভিনয়, গানে সব বয়সী ছেলে/মেয়ে/বাচ্চা চাই। 9007012369

## ক্রয় বিক্রয়

- গ্রহরত্ন**  
পাইকারী দামে সকল প্রকার গ্রহরত্ন পাওয়া যায়। এস.এস.জেমস 1/1, ব্যানার্জী লেন। বৌবাজার ব্যাঙ্ক অফ ইন্ডিয়ার নিকট। কোল-12-7980455525

## শিক্ষা

- অভিজ্ঞ নৃত্য শিল্পী (২৬ বছরের) দ্বারা কথক, ভরতনাট্যম, ওড়িশি সহ রবীন্দ্র নৃত্য ও ক্রিয়েটিভ শেখানো হয়। প্রাচীন কলাকেন্দ্র দ্বারা পরীক্ষার ও সার্টিফিকেট প্রদান করা হয়। সেশন শুরু ১৫ই মার্চ। আসন সীমিত। বাক্সার কলাঙ্গন। (M) 9051960946

## স্বাস্থ্য ও চিকিৎসা

- অ্যাডভান্সড ইমিউনোথেরাপি**  
জরায়ুতে টিউমার, পলিসিস্টিক ওভারী, গলব্লাডারে স্টোন, যে কোন ধরনের ক্যান্সার, কিডনির জটিল অসুখ বিনা অপারেশনে সম্পূর্ণ সরানো হয়। টেলিমেডিসিন No-8617553735  
যোগা, ফিজিওথ্যেরাপী (ম্যানুয়াল ও মেশিনে) কলকাতার মধ্যেবাড়ি গিয়ে করি। ডাক্তার বাবুর পরামর্শ ও নির্দেশ অনুসারে। 824023693

## সংগীত কলা

- ফাংশনে সব রকম গান করি। অভিজিৎ। কন্টাক্ট-842078639

## ম্যাজিক শো

- ছোটদের জন্মদিনে, স্কুলে ম্যাজিক শো করি। অভিজিৎ। 8420786390

## দ্রুমন ও তীর্থ যাত্রা

- রথে পুরী -3.500/- চলুন। সিঙ্ক রুট-6.500/-, কেদারবদি 12.500/-। 9432201841

## জ্যোতিষী

সংশোধিত কে পি এবং ভাব স্পর্শ স্পেশালিটি, কোষ্ঠী বিশ্লেষক, হস্তরেখা বিশারদ  
**অধ্যাপক শ্রী সত্যকাম**  
যোগাযোগ- **85359 25452**

আন্তর্জাতিক খ্যাতিসম্পন্ন জ্যোতিষী ও পশ্চিমবঙ্গের রাজ্যপাল দ্বারা সম্মানিত  
**শ্রী চানক্য ঠাকুর**  
যোগাযোগ- **9330730977**

স্বর্ণ পদক প্রাপ্ত জ্যোতিষ ও বাস্তবিক তত্ত্বসাধক জ্যোতিষাচার্য  
**শ্রী অয়ন চক্রবর্তী**  
Mob.: **9874179339**

## বাড়ি/ঘর/ফ্ল্যাট

- দমদম মেট্রোর কাছে এসি ক্লাস রুম ভাড়া দেব। (M) 7003746350

## বাড়ি/ঘর/ফ্ল্যাট ভাড়া

- J.D park মেট্রোর কাছে ভবানীপুর 400 Sft. (AC) অফিস ঘর ভাড়া দেব। 9831632434

## জ্যোতিষ শিক্ষা

- জ্যোতিষ শাস্ত্র শিখেও পেশায় হতাশ, নতুন বছরে জ্যোতিষ জগতে নিজেকে প্রতিষ্ঠিত হয়ে যায় করুন। জ্যোতির্বিদ দেবশ্রী। 9748631103
- পূর্ণিমা দি**  
চ্যালেঞ্জ সহ ৫ দিনে জ্যোতিষ তত্ত্ব শিখুন। শিক্ষান্তে সার্টিফিকেট। 9748842746

## আকর্ষণীয় বিজ্ঞাপন ধামাকা

আসন্ন বাংলা নববর্ষ, অক্ষয় তৃতীয়া ও মে দিবসে আপনার প্রিয়জন, বন্ধু এবং ব্যবসায়িক পরিজনদের ব্যক্তিগত বা প্রতিষ্ঠান গত ভাবে অতি স্বল্প মূল্যে শুভেচ্ছা বার্তা জানানোর ব্যবস্থা করেছে 'বলো কলকাতা' অনলাইন দৈনিক পত্রিকা। একদিনের শুভেচ্ছা বার্তার মূল্যে তিনদিন-ই শুভেচ্ছা জানান।

বিস্তারিত জানতে ও শুভেচ্ছাবার্তা প্রকাশের জন্য আজই যোগাযোগ করুন এই নম্বরে- +91 89105 39297

শুভেচ্ছাবার্তা পাঠানোর শেষ তারিখ ৩০ শে মার্চ ২০২৩।

সকল রকম বিজ্ঞাপন এবং ক্রয় পত্রিকায় গল্প, কবিতা, রান্নার রেসিপি, ভ্রমণ কাহিনী ও পাঠকের মতামত পাঠানোর জন্য- ৮৯১০৫৩৯২৯৭

**সতর্কীকরণ:-** বিজ্ঞাপনের যাবতীয় বক্তব্য একমাত্র বিজ্ঞাপন প্রদানকারীর নিজের, দায়িত্ব ও তাঁর। "বলো কলকাতার" এর এতে কোনও ভূমিক নেই। পাঠকের সিদ্ধান্তের উপর সম্পূর্ণভাবে নিজস্ব। তাই প্রচারিত বা ঝুঁকির ব্যাপারে সব জেনে নিয়েই পদক্ষেপ করবেন।

বলো কলকাতায় সাংবাদিক, লেখক ও সম্পাদকীয় বিভাগের কাজ শেখা বা করার জন্য লোক প্রয়োজন। আগ্রহীরা সত্বর যোগাযোগ করুন - ৮২৪০১৬৮৩৭০

## আজকের রাশিফল

### ২০ ই মার্চ

- ❖ মেষ - ভুল বোঝাবুঝি
- ❖ বৃষ - সাফল্য লাভ
- ❖ মিথুন - দুশ্চিন্তা
- ❖ কর্কট - স্বজনের সাথে বিবাদ
- ❖ সিংহ - আয় বৃদ্ধি
- ❖ কন্যা - প্রচেষ্টায় সাফল্য
- ❖ তুলা - স্বাস্থ্য হানি
- ❖ বৃশ্চিক - মানসিক অশান্তি
- ❖ ধনু - হঠাৎ অর্থ লাভ
- ❖ মকর - বাধার সম্মুখীন
- ❖ কুম্ভ - সন্দেহজনক চিন্তা
- ❖ মীন - অতিরিক্ত অর্থ ব্যয়

গণনা - জ্যোতির্বিদ দেবশ্রী  
৯৭৪৮৬৩১১০৩



-ঃ গণনায়ঃ-

জ্যোতির্বিদ দেবশ্রী

কল্যাণী, নদীয়া

মঃ-৯৭৪৮৬

**পি. কে. দাম জেমস**  
১০০% অমল গ্রহস্থর (মার্টিজুয়েড) কম দামে পণ্ডিত যা  
৯৮৩০৩ ৮৯৬৪৫ / ৯১৬৩৩ ৪৬৯৯৩  
২৬৫/এ, বি.টি. রোড, কোলকাতা - ৩৬ (বরাহনগর থানার বিপরীতে) মানসী মার্কেটের ভিতর

আপনার মুখ এবং আমার গণনা !  
আপনার ভাগ্য পরিবর্তনের মূল কারণ হতে পারে।



প্রাচীন লুপ্তপ্রায় সামুদ্রিক জ্যোতিষ মতে হস্তরেখা, মুখমণ্ডলের গঠন ও শরীরের বিভিন্ন স্থানের চিহ্ন দেখে জীবনের নানা সমস্যার (বিদ্যায় অমোনোযোগী, ব্যবসা, চাকরী, কর্মোন্মতি, বিবাহ, স্বামী স্ত্রীর মধ্যে সম্পর্ক, গৃহ শান্তি, গোপন শত্রুতা, মামলা মকোদমা প্রভৃতি) সঠিক কারণ নির্ধারণ ও স্থায়ী প্রতিকারে শ্রী লক্ষ্মীনারায়ণ গোস্বামী অধিষ্ঠায়।

৪৫ বছরে যাত্রাঙ্গ সম্পন্ন জ্যোতিষ অধ্যাপক  
**শ্রী লক্ষ্মীনারায়ণ গোস্বামী**  
প্রাচীন লুপ্তপ্রায় সামুদ্রিক জ্যোতিষ শিখতে আগ্রহী ব্যক্তিরা যোগাযোগ করুন। শিক্ষান্তে সার্টিফিকেট।  
Residence - 3B, Charu Chandra Avenue. Kol-33  
Chamber - 5B, Nepal Bhattacharjee Street. Kol-26  
জম্মিম পত্রিকা ৯৭৪৩৩২১৫৭৭ / ৭৪৩৯৮৭৭৭৬৫

## শিক্ষা

**DEBJIT SIR**  
**COACHING CLASSES**  
**Mo: 98300 37937**  
English ( Honours , M.A. )  
CU - IGNOU - RBU - Netaji

Entrance Exam.  
Preparation : WBCS , RAIL , BANK , CDS , IELTS , PTE , CAT , GMAT

**RASHBEHARI ( Badamtala )**  
**JADAVPUR ( Bijoygarh )**

## জন্মদিন

১৪৯৭ - আটাওয়ালপা, ইনকা সম্রাট।

১৬১৫ - মোঘল সম্রাট শাহজাহানের প্রথম পুত্র। দারাহিকা

১৮২৮ - হেনরিক ইবসেন, একজন নরওয়েজীয় নাট্যকার যিনি আধুনিক বাস্তবতাবাদী নাটকের সূত্রপাত করেছেন।

১৮৪২ - গুরুপ্রসাদ সেন, পূর্ববঙ্গের অধুনা বাংলাদেশের প্রথম এম.এ. এবং বিহারের প্রথম ইংরাজী দৈনিক 'বিহার হেরল্ড' এর প্রতিষ্ঠাতা। (মৃ.১৯০০)

১৯২০ - চিন্ময় লাহিড়ী, বিশিষ্ট শাস্ত্রীয় সঙ্গীতশিল্পী। (মৃ.১৭/০৮/১৯৮৪)

১৯২৯ - বাংলা ছড়ার গানের যশস্বী কণ্ঠ শিল্পী সনৎ সিংহ। (মৃ.২০১৩)

১৯৬৬ - অলকা ইয়াগনিক, ভারতীয় নেপথ্য গায়িকা।

১৯৮৯ - তামিম ইকবাল, বাংলাদেশ জাতীয় ক্রিকেট দলের উদ্বোধনী ব্যাটসম্যান।

## মৃত্যুদিন

১৯২৫ - জর্জ ন্যাথানিয়েল কার্জন, ব্রিটিশ সাম্রাজ্যের অধীন উপনিবেশ ভারতের গভর্নর জেনারেল ও ভাইসরয়। (জ.১৮৫৯)

১৯২৬ - কাজী ইমদাদুল হক, ব্রিটিশ ভারতের বাঙালি কবি। (জ.১৮৮২)

১৯৪৪ - মন্থননাথ ঘোষ (বিদ্যাবিনোদ), বাঙালি শিল্পোদ্যোগী ও সাহিত্যিক। (জ.১০/০৭/১৮৮৩)

১৯৬২ - বীরেশচন্দ্র গুহ ভারতের প্রখ্যাত প্রাণরসায়ণ বিজ্ঞানী। (জ.০৮/০৬/১৯০৪)

১৯৭৩ - শ্যামাপদ গোস্বামী প্রখ্যাত বাঙালি সাঁতারু। (জ.১৯০৫)

১৯৮৮ - অখিলবন্ধু ঘোষ বিশিষ্ট বাঙালি সঙ্গীত শিল্পী। (জ.১৯২০)

১৯৯১ - রমা চৌধুরী ভারতের প্রখ্যাত বাঙালি শিক্ষাবিদ ও লেখিকা। (জ.১৪/১০/১৯৪১)

১৯৯৩ - বিবেকানন্দ মুখোপাধ্যায় প্রখ্যাত বাঙালি সাংবাদিক। (জ.৩১/০৭/১৯০৪)

২০১৩ - বাংলাদেশের ১৯তম রাষ্ট্রপতি জিল্লুর রহমানের সিঙ্গাপুরে পরলোকগমন।

২০১৪ - ভারতের বিখ্যাত রম্যলেখক ও সাংবাদিক খুশবন্ত সিং (জ.১৯১৫)

২০১৭ - লেখিকা অধ্যাপক জুবাইদা গুলশান আরা।

২০২০ - পি. কে. ব্যানার্জী নামে সুপরিচিত ভারতীয় ফুটবলার ও প্রশিক্ষক প্রদীপকুমার বন্দ্যোপাধ্যায়। (জ.১৯৩৬)

## ইতিহাস

১৬৮৬ - কলকাতার সূতানটি গ্রামে প্রথম ব্রিটিশ পতাকা উত্তোলন করা হয়।

১৭৩৯ - নাদির শাহ দিল্লি দখল করেন।

১৮১৪ - যুবরাজ উইলিয়াম ফ্রেডরিক নেদারল্যান্ডসের রাজা হন।

১৯৩৫ - ব্রিটিশ কাউন্সিল প্রতিষ্ঠিত হয়।





## রাহুলের বাড়িতে দিল্লি পুলিশ

**বলো কলকাতা, নিউজ ডেস্ক:-** রাহুল গান্ধির বাড়িতে পৌঁছল পুলিশের একটি বিশেষ দল। এর আগে তাঁকে ডেকে পাঠানো হয়েছিল। কিন্তু তিনি সময়মতো উপস্থিত না হওয়ায় রবিবার সকালে রাজধানীতে তাঁর বাড়ি গেলেন আইন ও শৃঙ্খলার স্পেশাল পুলিশ কমিশনার সাগর প্রীত ছাড়া নিজেই। ১২ নম্বর তুঘলক লেনের বাড়ি এখন পুলিশে ছয়লাপ। ভারত জোড়ো যাত্রায় জম্মু-কাশ্মীরে পৌঁছে রাহুলের ধর্ষণ সংক্রান্ত একটি মন্তব্য নিয়ে তাঁকে দিল্লি পুলিশ নোটিশ পাঠিয়েছিল।

গত ৭ সেপ্টেম্বর কন্যাকুমারী থেকে ভারত জোড়ো যাত্রা শুরু হয়। এবছরের জানুয়ারি মাসের শেষে জম্মু-কাশ্মীরে কংগ্রেসের এই মহামিছিল শেষ হয়। উপত্যকায় পৌঁছে কংগ্রেস নেতা-সাংসদ জানিয়েছিলেন,

সেখানে তাঁর কাছে এক মহিলা এসে জানিয়েছিলেন তাঁকে ধর্ষণ করা হয়েছে। কাশ্মীরে দাঁড়িয়ে রাহুল মন্তব্য করেন, "মহিলাদের উপর এখনও যৌন হেনস্থা চালানো হচ্ছে।

রবিবার সকালে রাজধানীতে তাঁর বাড়িতে পৌঁছন স্পেশাল পুলিশ কমিশনার এসপি ছাড়া। সেখানে সাংবাদিকদের তিনি বলেন, "৩০ জানুয়ারি শ্রীনগরে রাহুল গান্ধি একটি বিবৃতি দেন। সেখানে তিনি জানান, ভারত জোড়ো যাত্রায় তাঁর সঙ্গে অনেক মহিলার সাক্ষাৎ হয়েছে। এই মহিলারা তাঁকে জানিয়েছেন, তাঁদের ধর্ষণ করা হয়েছে। আমরা রাহুল গান্ধির কাছ থেকে সেই সব নির্যাতিতা মহিলাদের সম্পর্কে বিস্তারিত জানতে চাই। আজ আমরা এখানে তাঁর সঙ্গে কথা বলতে এসেছি। যাতে ওই মহিলারা ন্যায় বিচার পান।" সামাজিক মাধ্যমে রাহুলের মহিলাদের ধর্ষণ সম্পর্কিত বক্তব্য ছড়িয়ে পড়ে। এরপর দিল্লি পুলিশ তাঁকে সমন পাঠায়। পুলিশ সূত্রে জানা গিয়েছে, তারা স্বতঃপ্রণোদিত ভাবে এই পদক্ষেপ করেছে।



রাহুল গান্ধির বাসভবনে দিল্লি পুলিশের 'অভিযান' নিয়ে কংগ্রেসের অভিযোগ একব্যাক্যে খারিজ করে দিল বিজেপি। কংগ্রেসের অভিযোগ ছিল, বিজেপি তথা কেন্দ্রীয় সরকার উদ্দেশ্যপ্রণোদিতভাবে রাহুলের বাড়িতে পুলিশ পাঠিয়েছে! পালটা বিজপির দাবি, রবিবারের এই ঘটনার সঙ্গে রাজনীতি বা কেন্দ্রীয় সরকারের কোনও সম্পর্ক নেই। দিল্লি পুলিশ যা করেছে, সেটা তাদের কর্তব্য।



## কেঁচো খুঁড়তে কেউটে:

**নিজস্ব সংবাদদাতা, কলকাতা:-** বীরভূমের দাপুটে তৃণমূল নেতা অনুরত মণ্ডল গ্রেপ্তার হওয়ার পর একাধিক বিস্ফোরক তথ্য সামনে এসেছে। বিস্ফোরক তথ্য সামনে আসার পাশাপাশি নাম জড়িয়েছে অনুরত ঘনিষ্ঠ একাধিক ব্যক্তির। সে সকল ব্যক্তিদের মধ্যে যেমন রয়েছেন অনুরত মণ্ডলের হিসাব রক্ষক মনিশ কোঠারি, ঠিক সেই রকমই রয়েছেন তার রাঁধুনি বিজয় রজক।

ইতিমধ্যেই বিজয় রজককে দিল্লির ইডির দপ্তরে ডেকে পাঠানো হয়েছিল জিজ্ঞাসাবাদের জন্য। তার কোটি কোটি টাকার অবৈধ সম্পত্তি রয়েছে বলে অভিযোগ। তবে অভিযুক্ত বিজয় রজকের বাড়ি গিয়ে দেখা গেল একেবারে ভিন্ন চিত্র। কোটিপতির বাড়ি যে এমন হতে পারে তা হয়তো ভাবাই যায় না। এমনকি তার বাড়ির অবস্থা দেখলে চোখে জল আসবে! তাহলে এত এত টাকা!

বিজয় রজকের বাবা একটি লন্ড্রি চালান। যেখান থেকে প্রতিদিন ২০০ থেকে ৪০০ টাকার রোজগার হয়। মা সাধারণ একজন গৃহবধূ। বিজয় রজকের বাবা মদন লাল রজক দাবি করেছেন, তার ছেলে কোনরকম অনৈতিক কাজের সঙ্গে যুক্ত নন। তাকে ফাঁসানো হয়েছে। পার্টি অফিসে যেতেন এবং সেখানে নেতারা তার বিভিন্ন নথিপত্র নিয়েছিলেন। মাঝে মাঝে থেকে সেই করাতেন। বিজয় সবকিছু করতো কেবলমাত্র কাজ টিকিয়ে রাখার জন্য। কিন্তু গরু পাচারের টাকা এসব সম্পর্কে কোন ধারণা নেই।

বিজয় রজক একজন মধ্যবিত্ত ছাপোষা ঘরের ছেলে বলেই আপাত দৃষ্টিতে মনে করা হচ্ছে। কারণ তার বাড়ি ২০ বছর আগে তৈরি করা হয়েছিল এবং সেই বাড়ির নিচের তলার পলেস্তারা এখন খসে পড়ছে। যদিও সদ্য তৈরি হওয়া দোতলার অবস্থা ভালো। বিজয় রজকের বাবার পাশাপাশি তার মা ও দাবি করেছেন বিভিন্ন ছলনায় তাকে ফাঁসানো হয়েছে।



## বাংলার জন্য রণকৌশল বিজেপির

**বলো কলকাতা, নিউজ ডেস্ক:-** আসন্ন লোকসভা নির্বাচনের আগে বাংলার জন্য রণকৌশল তৈরি করে ফেলল বিজেপি। তৃণমূলের অবস্থান বিবেচনা করে তাঁরা অঙ্ক কষে এগনোর পরিকল্পনা কষে ফেললেন বিজেপি কেন্দ্রীয় মুখপাত্র সুধাংশু ত্রিবেদী। তিনি সাক্ষাৎ জানিয়ে দিলেন, বাংলা থেকে কতগুলি আসন পাওয়া সম্ভব বিজেপির।

২০২৪-এর লোকসভা নির্বাচনে বিজেপি কতগুলি আসন পেতে পারে সে প্রসঙ্গে বিজেপি কেন্দ্রীয় মুখপাত্র বলেন, শেষ নির্বাচনে আমরা অর্ধেক রাস্তায় ছিলাম।

এবার লক্ষ্যে পৌঁছব। এবারের লোকসভায় পশ্চিমবঙ্গে ৩০ থেকে ৩২টি সিট পাবো আমরা। এ ব্যাপারে বিজেপি সঠিক পথেই এগোচ্ছে বলে জানান তিনি।

তিনি বলেন, পশ্চিমবঙ্গ বিধানসভা নির্বাচনে আমরা ৩৮ শতাংশ ভোট পেয়েছি। সে সময় এভাবে প্রচার করা হয়েছিল যেন ভারতীয় জনতা পার্টি হেরে গেছে। চিনের পর সবথেকে জনবহুল কমিউনিস্টশাসিত অঞ্চল ছিল পশ্চিমবঙ্গ। কিন্তু আজ সেখান থেকে লাল ও সবুজ হারিয়ে গিয়েছে।



## ফের মুম্বই সাক্ষী থাকলো এক নৃশংস ঘটনার

**বলো কলকাতা, নিউজ ডেস্ক:-** মুম্বইয়ে শ্রদ্ধা হত্যার ঘটনা সারা দেশকে নাড়া দিয়েছিল। ফের মুম্বই সাক্ষী থাকলো এক নৃশংস ঘটনার। মেয়ের হাতে খুন মা। চারমাস ধরেই দেহ বাড়িতেই টুকরো টুকরো করে আগলে রেখেছিলেন বছর ২৪-এর মেয়ে রিম্পল জৈন।

এমন ঘটনার কথা আঁতকে উঠেছেন তামাম দেশবাসী।

৫৫ বছর বয়সী মা বীনা জৈনকে চার মাস আগেই খুন করেন মে। এরপর তিনি মৃতদেহটিকে কয়েক টুকরো করেন। মাথা ও দেহ আলাদা করে প্লাস্টিকে মুড়ে সযত্নে তুলে রাখেন আলমারিতে। হাত ও পা ঘরের একটি স্টিলের ট্যাস্কের ভিতর রাখা হয়েছিল। ঘটনার তদন্তে নেমে ডিসিপি প্রবীণ মুন্ডে জানিয়েছেন, পুলিশ রিম্পলকে গ্রেফতার করেছে। বাড়ি থেকে উদ্ধার হয়েছে একটি বৈদ্যুতিক মার্বেল কাটার, কাস্তে এবং একটি ছুরি।

একজন পুলিশ অফিসার জানিয়েছেন যে রিম্পলের দুটি 'বয়ফ্রেন্ড' ছিল। দুজনের সঙ্গেই সম্পর্ক রাখতেন তিনি। এ নিয়ে তার মায়ের সঙ্গে প্রায়ই ঝগড়া হতো তার। এ কারণেই রিম্পল তার মাকে খুন করেছে। খুনের পর দেহ টুকরো টুকরো করতে বৈদ্যুতিক মার্বেল কাটার, কাস্তে এবং একটি ছুরি ব্যবহার করে রিম্পল। প্রতিবেশীদের সন্দেহ যাতে না হয় তার জন্য পচা গন্ধ দূর করার জন্য ক্রম ফ্রেশনার, ফিনাইল এবং চা পাউডারও ব্যবহার করেছিল গুণধর মেয়ে।

### আজকের আবহাওয়া

আকাশ প্রধানত মেঘাচ্ছন্ন থাকবে। কলকাতা ও সম্মিলিত অঞ্চলে মাঝারি থেকে ভারি বৃষ্টির সম্ভাবনা। উত্তর বঙ্গ ও দক্ষিণ বঙ্গের কিছু জেলায় ভারি বৃষ্টির সম্ভাবনা।

দিনের সর্বোচ্চ তাপমাত্রা- ২৬ ডিগ্রি সেলসিয়াস  
রাতের তাপমাত্রা ২২ ডিগ্রি সেলসিয়াসের  
আশেপাশে থাকবে।  
বাতাসে আর্দ্রতার পরিমাণ ৯০%।

### সময় সারণী

আজ ৫ চৈত্র ১৪২৯ বঙ্গাব্দ, সোমবার, ইংরেজী:  
২০ মার্চ ২০২৩,

সূর্য উদয়: সকাল ০৬:০৫:৩৭ এবং  
অস্ত: বিকাল ০৬:০৬:৫৪।

### তিথি

কৃষ্ণ পক্ষ: চতুর্দশী (রিত্তা) শেষ রাত্রি ঘ ০২:১১:২০  
দং ৫০/১৬/৪৫ পর্যন্ত

### জোয়ার ভাটা

কলকাতায় জোয়ার শুরু ভোর ০৪:৫২তে।  
জলস্তর সর্বোচ্চ সীমায় পৌঁছবে সকাল ০৯: ৩৯  
এ, এরপর ভাটা শুরু। দ্বিতীয়বার জোয়ার শুরু  
বিকাল ০৫:০৫ এ জলস্তর সর্বোচ্চ সীমায়  
পৌঁছবে রাত ০৯:৫৯ এ, এরপর ভাটা শুরু।



### নতুন আলোর খোঁজে ব্যাস্ত থাকুক বিদ্যালয়ের কচিকাঁচার

**নিজস্ব সংবাদদাতা, পূর্ব বর্ধমান:-**।।আলোর খোঁজে। মেয়েটা মাথা নিচে করে কেঁদেই চলেছে। বিদ্যালয়ের শিক্ষিকা তাকে জিজ্ঞাসা করলেন "কাঁদছো কেন?" উত্তরই বলে ফেলেছে, পড়তে চাই। বাবা-মা কিন্তু বিয়ে দিয়ে দেবে। শিক্ষিকার কানে একথা আসার পরই শুরু হয়ে যায় তৎপরতা। এগিয়ে আসে কন্যাশ্রী ক্লাব। পূর্ব বর্ধমান জেলার আউশগ্রাম ১, ব্লকের কয়রাপুর বিদ্যাসাগর বিদ্যাপীঠের এই ঘটনা এলাকায় সাড়া ফেলেছে। মেয়েটির নাম পূজা বাগ। দশম শ্রেণীতে পড়ে সে। মামার বাড়ি থেকে যাতায়াত করে। মামারবাড়ি বিদ্যালয়ের কাছেই আমবোনা গ্রামে। মেয়েটির আদি বাড়ি বর্ধমান এক ব্লকের, দেওয়ানদিঘী থানার অন্তর্গত পাথরপুকুর গ্রামে। সেখানেই ১৮ বছরের আগে তার বাবা-মা তাকে ভালো পাত্রের হাতে তুলে দেবেন বলে ঠিক করেছিলেন। কিন্তু মেয়ে নারাজ। সে লেখা পড়া করতে চায়। পৃথিবীটাকে ভালো জানতে চায়। খবর যায়, বিদ্যালয়ের কন্যাশ্রী ক্লাবের কাছে। একইসঙ্গে বিদ্যালয়ের প্রধান শিক্ষক সতীনাথ গোস্বামী, বিষয়টি নিয়ে আউশগ্রাম এক, ব্লকের বিডিও এবং কন্যাশ্রী নোডাল অফিসার কে সমস্ত কিছু ঘটনার কথা খুলে জানান। শুরু হয়ে যায় বিশেষ তৎপরতা। একই সঙ্গে প্রধান শিক্ষক পুলিশ কেও জানিয়েছিলেন, যাতে বিয়েটা আটকানো যায়। ব্লক থেকে প্রধান শিক্ষকের মাধ্যমেই জেলার চাইল্ড হেল্প লাইনে ফোন করা হয়। চাইল্ড হেল্প লাইন অত্যন্ত দ্রুততার সঙ্গে ব্যবস্থা নেয়। চাইল্ড হেল্প লাইনের সকল সদস্য এবং পুলিশ গিয়ে হাজির হয় মেয়েটির বাড়িতে। যেখানে মেয়েটিকে আটকে রাখা হয়েছিল। অনেক বার করে বোঝানোর পর মেয়েটির বাবা, বিয়ে না দিতে রাজি হন। এবং একটি মুচলেকায় স্বাক্ষর করেন, যাতে তিনি স্বীকার করেছেন ১৮ বছরের আগে তিনি বিবাহ দেবেন না। আনন্দে আত্মহারা হয়ে যায় পূজা। তার পূজাই বোধহয় আজ সম্পন্ন হল। কয়রাপুর বিদ্যাসাগর বিদ্যাপীঠের কন্যাশ্রী ক্লাবের নোডাল টিচার নিবেদিতা কোলে এই ঘটনায় মুখ্য ভূমিকা নিয়েছেন। এবং তিনি জানান, বাল্যবিবাহ রোধে, সরকারি এই প্রচেষ্টাকে সফল করবার জন্য, আমরা দৃঢ়প্রতিজ্ঞ। এই মেয়েটির বিয়ে আমরা আটকাতে পেরেছি।" বিদ্যালয়ের প্রধান শিক্ষক সতীনাথ গোস্বামী জানান "অল্প বয়সে বিয়ে নয়। এখন ওদের পড়ার সময়। ওরা আরও পড়াশোনা করুক। এবং সমাজের বুকে ফুল হয়ে ফুটুক। নতুন নতুন আলোর খোঁজে, বেরিয়ে পড়ুক বিদ্যালয়ের কচিকাঁচার।





## সম্পাদকীয়

প্রিয় পাঠক,

এ কোন বসন্ত ? চৈত্রের শুরুতে আকাশ ভরা মেঘ, ঝিরঝিরি থেকে মাঝে মাঝে প্রবল বৃষ্টি, প্রকৃতির এই খামখেয়ালি ভাব লক্ষ করা যাচ্ছে বিগত কয়েক বছর ধরেই। গ্রীষ্মের প্রবল দাবদাহ, শ্রাবণেও বৃষ্টি না হয়ে শরতের পেঁজা তুলোর মেঘকে ভুলিয়ে ঘন কালো রূপ নিয়ে কালশের বোনকে জলে ঢেকে দেওয়া, রক্ষ কনকনে শীতের অপেক্ষায় থাকাই যেন সার, যদিও তা শীতের শেষে কদাচিৎ আশা জাগিয়ে আসার বার্তা দিতে দিতেই হারিয়ে যায় ঝলসানো রৌদ্রের আড়ালে। এবছর তো বসন্ত এসেও এলো না, পলাশ জেগে উঠলো অনেক আগে, রঙিন প্রকৃতি আরো রঙিন হবার আগেই বর্ষার দাপটে ধুয়ে তা আজ বিবর্ণ।

তবু এই বর্ণহীন রবিবারের ছুটিটা আপনাদের একটু ভালো কেটেছে আমাদের দৈনিক ই পেপার এর মাধ্যমে, গতকালের ইপেপার ছিল চমকে ভরা। আমাদের বড়ো সাফল্য এই যে আমরা আড়াই কোটি ভিউয়ার্স রিচ করেছি বিগত পাঁচ বছরে। আমাদের প্রতিটি সদস্য/সদস্যর অক্লান্ত পরিশ্রম ও আন্তরিকতা সাথে লেগে থাকা এবং আপনাদের মতো অসংখ্য শুভানুধ্যায়ী ও সাহায্যকারী মানুষের পাশে থাকার জন্যই আজ আমরা এখানে পৌঁছেছি। আগামী দিনে আরও এগোতে চাই, ছুঁতে চাই জনপ্রিয়তার শীর্ষ বিন্দু। আশীর্বাদ করুন ও এই ভাবে পাশে থাকুন, আমরা লড়াই করেছি ও একসাথে সবাই লড়াইয়ের ময়দানে থেকে এগিয়ে যাবো লক্ষপুরণে। আর আমাদের শনি ও রবিবারের ক্রোর পত্রিকা কেমন লাগছে মতামত পাঠান, সাথে সুচিন্তিত পরামর্শ ও আপনাদের লেখা পাঠান, কারণ আপনারাই আমাদের আসল সম্পদ। আজ এই পর্যন্ত নমস্কার।

সৌমিক সান্যাল  
সম্পাদক-বলো কলকাতা



## স্বাস্থ্য সতেজ রাখতে দেশি খাবার

**বলো কলকাতা, নিউজ ডেস্ক:-** আপনি যদি চান আপনার সারাদিন ভালো কাটুক, তাহলে সকালের জলখাবারে দিকে বিশেষ নজর দিতে হবে। এই জলখাবারটি এমন যে এর পুষ্টিগুণ রয়েছে এবং এটি খেলে পাকস্থলীর হজমশক্তিও উন্নত হবে।

স্বাস্থ্য বিশেষজ্ঞরা বলছেন যে আপনি সকালে যা খান তা আপনার পুরো রুটিনকে প্রভাবিত করে। সকালে মশলাদার কিছু খেলে গ্যাস-অম্লতা তৈরি হতে থাকে।

অন্যদিকে, ভারী জলখাবার করার পর সারাদিন পেট ভারী থাকে। এর কারণে ওজন বাড়ারও সম্ভাবনা থাকে। অন্যদিকে কিছু না খেলে দুর্বলতা ও অ্যাসিডিটির সমস্যা দেখা দেয়। সকালের জলখাবারে এমনই ৫টি জিনিসের কথা বলব, যেগুলো ব্যবহার করে আপনি আপনার শরীরকে ফিট রাখতে পারবেন।

স্বাস্থ্যকর দেশি ব্রেকফাস্ট

পোহা:-

সুস্থ শরীরের জন্য সকালের জলখাবারে পোহা খেতে পারেন। এটি সুস্বাদু, হালকা এবং পেট হজমের জন্য সেরা। এটিকে সুস্বাদু করতে, আপনি এতে চিনাবাদাম, সবজি, কারি পাতা এবং লেবুর রস যোগ করতে পারেন। প্রতিদিন এটি খেলে শরীরের শক্তি বৃদ্ধি পায় এবং ওজনও ভারসাম্যপূর্ণ থাকে।

উপমা:-

সকালে জলখাবারে উপমাও খেতে পারেন। এটি সুজি থেকে তৈরি করা হয়, যা ক্যালসিয়ামের একটি ভালো উৎস। প্রোটিন সমৃদ্ধ উরদ ডালও এতে যোগ করা হয়, যা এটিকে আরও সুস্বাদু করে তোলে। কারি পাতা, সবজি এবং সরিষার বীজও উপমার অন্তর্ভুক্ত। এটি খাওয়ার পর পেটে ভারি হওয়ার অনুভূতি হয় না।

উত্তাপম:-

উত্তাপম সুজি বা উরদ ডাল এবং চাল পিষে প্রস্তুত করা হয়। এটি তৈরি করতে খুব বেশি সময় লাগে না এবং এটি পুষ্টিগুণেও ভরপুর। এটি সাস্থ্য বা চাটনির সাথে খাওয়া হয়। উত্তাপম খেলে হজমশক্তি ভালো থাকে এবং গ্যাস-অম্লতা থেকেও মুক্তি পাওয়া যায়।

ইডলি:-

ইডলি শুধু খেতেই সুস্বাদু নয় এটি ওজন কমাতেও সাহায্য করে। সাস্থ্য বা নারকেলের চাটনির সাথে খেতে পারেন। এটি চালের আটা, উরদ ডাল বা সুজি দিয়ে তৈরি করা হয়। এটি স্বাস্থ্যের দিক থেকে খুবই উপকারী বলে মনে করা হয়। এটি সবচেয়ে হালকা ব্রেকফাস্টের তালিকার শীর্ষে রাখা হয়েছে।



## বাংলাদেশের পদ্মা সেতু এক্সপ্রেসওয়েতে ভয়াবহ বাস দুর্ঘটনা

**বলো কলকাতা, নিউজ ডেস্ক:-** রবিবার সকালে বাংলাদেশের পদ্মা সেতু এক্সপ্রেসওয়েতে ভয়াবহ বাস দুর্ঘটনা ঘটল। যাত্রীবাহী বাসটির আচমকাই চাকা ফেটে যায়। নিয়ন্ত্রণ হারিয়ে পড়ে যায় খাদে। বাসে ৪০ জনের বেশি যাত্রী ছিলেন। জানা গেছে, ১৯ জনের মৃত্যু হয়েছে। আহত কমপক্ষে ৩০ জন।

জানা গিয়েছে, বাসটি ঢাকা যাচ্ছিল। পদ্মা সেতুর সঙ্গে সংযোগকারী রাস্তায় দুর্ঘটনার মুখে পড়ে বাসটি। মদারিপুর জেলার কুতুবপুর এলাকাতেই খাদে পড়ে যায় বাসটি। ইতিমধ্যেই উদ্ধারকাজ শুরু করা হয়েছে। হতাহতের সংখ্যা আরও বাড়তে পারে বলেই আশঙ্কা করা হচ্ছে।



বিয়ের আগেই মধুচন্দ্রিমায় মেতেছেন মালাইকা অরোরা-অর্জুন কাপুর! শনিবার সে কথা এক সাক্ষাৎকারে জানিয়েওছেন মালাইকা।

দুই অভিনেতা কবে বিয়ে করছেন? কোটি টাকার প্রশ্ন আরও একবার জিজ্ঞেস করা হয় মালাইকাকে। তখনই তিনি সাফ জবাব দেন, বিয়ে নিয়ে মাথা ঘামাচ্ছি না।



উদ্বিগ্ন বিজ্ঞানীরা! মানব দেহের ব্যাকটেরিয়া পাওয়া গেল মাউন্ট এভারেস্টে। মার্কিন যুক্তরাষ্ট্রের কলো-রাদো বিশ্ববিদ্যালয়ের গবেষকরা মাউন্ট এভারেস্টের ২৬ হাজার ফুট উপড় থেকে আনা মাটি ও বরফ এর নমুনা পরীক্ষা করে মানব দেহের ব্যাকটেরিয়ার হদিস পেয়েছেন।

'DEBJIT SIR AWARD' SHAROD  
SAMMAN- আয়োজিত.... বঙ্গীয় প্রতিভা  
অন্বেষণ- ২০২৩.

Media Partner: BOLO KOLKATA TV  
এই প্রতিযোগিতার সমস্ত নিউজ আপডেট পাবেন বলো কলকাতা টিভির ফেসবুক পেজে। এই প্রতিযোগিতায় অংশগ্রহণ করার জন্য, প্রতিযোগিতার ফর্ম এবং প্রতিযোগিতা বিষয়ক সমস্ত তথ্য পেজে পেয়ে যাবেন। যারা ইচ্ছুক তাড়াতাড়ি অংশগ্রহণ করুন।

যোগাযোগ: 8697775123

Facebook Page: BOLO KOLKATA TV

এতদিন ধরে সকলেই জানতেন যে বাদুর থেকেই ছড়িয়েছে করোনা ভাইরাস। বাদুরের শরীরেই থাকে করোনা ভাইরাস। সেটাই কোনও ভাবে মানুষের শরীরে সংক্রমণ ঘটিয়েছে। একদল গবেষক দাবি করেছেন ইউহানের বাজারে বিক্রি হওয়া র্যাকুন ডগ থেকেই ছড়িয়েছে করোনা ভাইরাসের সংক্রমণ।



বছরের শুরুটা তবে ভাল ভাবেই হল রণবীর কাপুর এবং শ্রদ্ধা কাপুরের। বক্স অফিসে ভাঁড়ার ভরল 'তু ঝুটি ম্যায় মক্কার'-এর। মুক্তির ১১ দিনের মাথায় দেশে নেট ১০০ কোটি টাকার ব্যবসা করল লাভ রঞ্জন পরিচালিত ছবিটি। সারা বিশ্বজুড়ে এখনও পর্যন্ত ১২২ কোটির ব্যবসা করেছে ছবিটি।



কবীর সুমন তাঁর ৭৫ বছরের জন্মদিনের দিন বীরদর্পে জানান যে তিনি বিছানায় এখনও ভীষণ রকম সক্ষম। তাঁর এই বক্তব্যের পরেই শুরু হয়েছে চর্চা। প্রশ্ন উঠছে একজন প্রৌঢ় যদি সগর্বে বলেন তিনি যৌনসক্ষম এখনও সেটা ভীষণ গর্বের কথা হয়ে যায়। আর যদি সেই একই কথা কোনও মহিলা বলেন তাহলে? তখন সমাজে তাঁকে নিয়ে শুরু হয়ে যাবে ছিঃ ছিঃ।





**ঝাঁঝালো বক্তব্য পেশ করতে গিয়ে বিতর্কের কেন্দ্রবিন্দু কেন্দ্রীয় মন্ত্রী বলো কলকাতা, নিউজ ডেস্ক:-** ঝাঁঝালো বক্তব্য পেশ করতে গিয়ে বিতর্কে জড়ালেন কেন্দ্রীয় মন্ত্রী অশ্বিনী কুমার চৌবে। শনিবার তিনি বলেন, যাঁরা হিন্দু সম্প্রদায়ের মেয়েদের অসম্মান করবেন, তাঁদের হাত কেটে নেওয়া হবে। আরজেডি বিধায়ক ভাই বীরেন্দ্রর একটি বিশেষ মন্তব্যের প্রেক্ষিতেই মন্ত্রীমশাই এমন মন্তব্য করেছেন বলে মনে করছে সংশ্লিষ্ট মহল। বীরেন্দ্রর অভিযোগ ছিল, বিজেপি নেতৃত্ব আদতে স্ববিরোধী নীতিতে বিশ্বাসী। একদিকে তাঁরা মেরুকরণের রাজনীতি করে আমজনতার মধ্যে বিভেদ সৃষ্টি করেন। আবার অন্যদিকে নিজেরাই নিজের মেয়েদের বিয়ে দেন সংখ্যালঘু পাত্রের সঙ্গে। নিজের বক্তব্যের স্বপক্ষে প্রমাণ খাড়া করতে দুই প্রবীণ বিজেপি নেতা লালকৃষ্ণ আদবানি এবং মুরলী মনোহর জোশির প্রসঙ্গ উল্লেখ করেন তিনি।

এরপরই মাঠে নামেন লোকসভার সাংসদ অশ্বিনী কুমার চৌবে। তিনি বলেন, সনাতন ধর্মের কন্যাসন্তানরা, যাঁদের সাধারণত হিন্দু সন্তান বলা হয়, তাঁরা আদতে ভারতের কন্যা। যিনি বা যাঁরা এই হিন্দু কন্যাদের সম্মান ও সম্মমের সঙ্গে খেলা করবেন, তাঁদের হাত কেটে নেওয়া হবে। আরজেডি নেতারা যদি মনে করেন তাঁরা তাঁদের মেয়ের বিয়ে সংখ্যালঘুদের সঙ্গে দেবেন, তাহলে তাঁরা তা করতেই পারেন। তেমনটা করার পূর্ণ স্বাধীনতা রয়েছে তাঁদের। কিন্তু, ভারত একটি হিন্দু রাষ্ট্র। এবং আগামী দিনেও হিন্দু রাষ্ট্রই থাকবে।

এর আগে ভাই বীরেন্দ্র বলেছিলেন, বিজেপি নেতাদের তাঁদের মেয়েদের সংখ্যালঘু পাত্রের সঙ্গে বিয়ে দেওয়ার বদলে তাঁদের হাত থেকে রক্ষা করা উচিত। এর জবাবে বিহার বিধান পরিষদের সদস্য তথা বিজেপি নেতা সন্তোষ সিং বলেন, আরজেডি নেতারা মানসিকভাবে দেউলিয়া হয়ে গিয়েছেন। সন্তোষের হুঁশিয়ারি, যদি কোনও সংখ্যালঘু যুবক হিন্দু মেয়ে, বোনদের দিকে অসৎ উদ্দেশ্য নিয়ে তাকান, তাহলে তিনি সেই যুবকের আঙুল কেটে নেন।

অন্যদিকে, অশ্বিনী কুমার চৌবে বলেন, যদি কোনও সংখ্যালঘু যুবক হিন্দু সম্প্রদায়ের কোনও মেয়েকে অপহরণ করেন, তাহলে সবাই দেখবে বিজেপি এর কী জবাব দেয়। এই ধরনের প্রেক্ষাপটে বিজেপির প্রত্যেক নেতা ও কর্মী যে কারও গলা কেটে দিতে পারেন। হিন্দু সম্প্রদায়ের আত্মমর্যাদা ও গর্ব রক্ষা করতে তাঁরা এমনটা করতেই পারেন।



**বিএসএফ জওয়ানদের তৎপরতায়** উদ্ধার ২.৭৮ কোটি টাকারও বেশি মূল্যের সোনার বিস্কুট। পাকড়াও করা হয়েছে পাচারকারীকেও।



## এবার বিমানবন্দর যুক্ত হতে চলেছে মেট্রোর সাথে।

**নিজস্ব প্রতিনিধি, কলকাতা:-** দীর্ঘ প্রতীক্ষার পর শীঘ্রই চালু হবে বিমানবন্দর মেট্রো স্টেশন অপেক্ষা আর মাত্র কিছুদিনের এমনটাই জানা গেছে কলকাতা মেট্রো রেল কর্তৃপক্ষ থেকে নেতাজি সুভাষ আন্তর্জাতিক বিমানবন্দরে যাওয়াটা শহরের নানা প্রান্তের লোকের কাছে খুবই সহজ হয়ে যাবে। শহর কলকাতায় এই প্রথমবার চালু হতে চলেছে এ হেন পরিষেবা। নোয়াপাড়া থেকে শুরু হয়ে বিমানবন্দর হয়ে বারাসাত রুটের এই অংশের কাজে এবার শেষের পথে। এই প্রকল্পের প্রথম পর্যায়ের কাজের দৈর্ঘ্য প্রায় ৬.২৫ কিলোমিটার, এই অংশ থাকছে চারটে স্টেশন নোয়াপাড়া, দমদম ক্যান্টনমেন্ট, যশোর রোড আর বিমানবন্দর। শুধুমাত্র বিমানবন্দর স্টেশনটি মাটির থেকে প্রায় ১৪ মিটার নিচে অবস্থিত। প্রাথমিক ভাবে এই অংশে যাত্রী পরিবহন শুরু করা হবে মেট্রো রেল কর্তৃপক্ষ জানিয়েছেন। বিমানবন্দর স্টেশনে নিউ গড়িয়া থেকে আসা লাইন যুক্ত হবে। জাতীয় সুরক্ষা ও স্বচ্ছন্দ্যের কথা মাথায় রেখে এই অত্যাধুনিক মেট্রো স্টেশন তৈরি করা হয়েছে। এখানে থাকছে ৬ টি লিফট, ৬টি এক্সেলেটর, ৬টি সিঁড়ি আর দুটি সাবওয়ে। একটা বিমানবন্দরে যাওয়ার আর একটা সোজা যশোর রোড পর্যন্ত। দুটো সাবওয়ে তে থাকছে তিনটি ইমার্জেন্সি সিঁড়ি তিনটি উঠানামা করার সিঁড়ি চারটি প্রবেশ ও বাহির পথ। এই স্টেশনে পাঁচটি প্লাটফর্ম থাকছে আর থাকছে টিকিট কাউন্টার, বসার চেয়ার শৌচালয়, পাবলিক এড্রেসিং সিস্টেম। যাত্রীদের বিশেষ নিরাপত্তার কথা চিন্তা করে অগ্নি নির্বাপনের যাবতীয় ব্যবস্থা করা হয়েছে।



## চিকিৎসার গাফিলতিতে রোগী মৃত্যুর অভিযোগ, অভিযোগ দায়ের বর্ধমান থানায়

**কল্যাণ দত্ত, পূর্ব বর্ধমান:-** পূর্ব বর্ধমান জেলার, খণ্ডঘোষ থানা উজ্জল পুকুরের বাসিন্দা নাসিমা খাতুন তার অ্যাপেন্ডিক্স ধরা পড়েছিল। চিকিৎসার জন্য তিনি এসেছিলেন বর্ধমান শহরের ডক্টর কৌশিক দাসের কাছে। চিকিৎসা করার পর মৃত নাসিমা খাতুন এর পরিবারকে বলা হয় তার এপেন্ডিক্স অপারেশন করা হবে। শুক্রবার দিন অপারেশন করা হয় নাসিমা খাতুনের। তিন ঘণ্টা অপারেশনের পর তাকে আই সি ইউ-তে দেওয়া হয়। তারপরে শুরু হয় শারীরিক অবনতি। পরিবারের সদস্যরা ডাক্তার বাবু বলেন যে কোন ওষুধের থেকে এলার্জি হওয়ার জন্য এটা হয়েছে। মৃত নাসিমা খাতুনের মা সচিমা বেগম শেখ বলেন, কৌশিক দাসকে আমরা দেখাই তিনি বলেন আমার মেয়ের অ্যাপেন্ডিক্স হয়েছে ভর্তি করতে হবে। বুধবার দিন দেখানোর পরে বৃহস্পতিবার দিন ভর্তি করি এবং শুক্রবার দিন আমার মেয়ের অপারেশন হয়। তারপর হঠাৎই শারীরিক অবনতির কারণে আমার মেয়ে শনিবার দিন মারা যায়। আমরা এখন চাইছি নার্সিংহোম কর্তৃপক্ষ এবং ডাক্তারবাবু শাস্তি হোক। সেই জন্য রবিবার ১৯শে মার্চ আমরা বর্ধমান সদর থানায় লিখিত অভিযোগ দায়ের করলাম। শুধুমাত্র একটা এপেন্ডিক্স অপারেশনে কি করে একটা জলজ্যান্ত মেয়ে মারা গেল এটাই আমরা জানতে চাই। মৃত নাসিমা খাতুনের পিসেমশাই আব্দুল শকুর মোহাম্মদ জহর বলেন, আমরা ডক্টর কৌশিক দাস এবং নার্সিংহোমের বিরুদ্ধে বর্ধমান থানায় লিখিত অভিযোগ দায়ের করেছি। ডক্টর কৌশিক দাস- এর সাথে আমরা যোগাযোগ করতে চাইলে তিনি বলেন তিনি কলকাতায় আছেন এবং পরবর্তীকালে কোনোভাবেই তার সঙ্গে যোগাযোগ করা যায়নি। নার্সিংহোম এবং ডাক্তারবাবুর গাফিলতিতে রোগী মারা গেছে বলে অভিযোগ মৃত্যুর পরিবারের।

**টালিগঞ্জের বিখ্যাত এন টি ওয়ান** স্টুডিওয় আগুন, ভোর পাঁচটা নাগাদ এই বিধ্বংসী আগুন লাগে, স্টুডিওর একাংশ সম্পূর্ণ ভস্মিভূত, তবে রক্ষা পেয়েছে উত্তম সংগ্রহশালা। ঘটনাস্থলে দমকলের তিনটি ইঞ্জিন।

**দুই শিক্ষকের বিবাদের খেসারত** দিতে হচ্ছে স্কুলের খুদে পড়ুয়াদের। আটদিন ধরে তারা মিড-ডে-মিল পাচ্ছে না বলে অভিযোগ। ফের কাঠগড়ায় পুরুলিয়ার শালডাবরা জুনিয়ার হাইস্কুল। শিক্ষক বিদ্যালয়ে না-আসায় এর আগেও খবরের শিরোনামে উঠে এসেছিল এই স্কুল



রাস্তায় দুধের শিশুকে স্তন্যপান করাতে গিয়ে আর আড়াল খোঁজার ঝঙ্কি পোহাতে হবে না মা-কে। এবার বাস স্ট্যান্ডেই তৈরি হবে 'ব্রেস্ট ফিডিং রুম'। কলকাতা পুরসভার পাইলট প্রোজেক্ট নিয়ে বাড়ছে উন্মাদনা। বেহালা পর্ণিত্রী থেকেই এই উদ্যোগের সূচনা করতে চলেছে কেএমসি (KMC)।



**দুই সন্তানকে নিয়ে দম্পতির** রহস্যমৃত্যু দুর্গাপুরে। উদ্ধার হওয়া সুইসাইড নোটে টেটের নিয়োগ দুর্নীতি সংক্রান্ত লোকেরা এই ঘটনায় জড়িত আছে লেখা থাকলেও স্থানীয় ও আত্মীয়রা বলছেন সম্পত্তির জন্যই এই খুন করা হয়েছে। যাতে জড়িত রয়েছেন গৃহকর্তার মা। তদন্তে নেমেছে পুলিশ



**ফের আমতা লোকাল লাইনচ্যুত** বেলা সাড়ে বারোটো নাগাদ আমতা লোকাল লাইনচ্যুত হয়, সাধারণ নিত্য যাত্রীরা ভোগান্তির সম্মুখীন। দক্ষিণ পূর্ব রেলের হাওড়া ডিভিশনের আপ ও ডাউন উভয় দিকে ট্রেন চলাচল বিঘ্নিত।



**হামরো পার্টি ছেড়ে দীপেন গুরুং** যোগ দিলেন অনীত থাপার বিজিপিএম পার্টিতে। দীপেন গুরুং গত জিটিএ নির্বাচনে হামরো পার্টির হয়ে ভোটে লড়েছিলেন। রবিবার তিনি অনীত থাপার দলে যোগ দিলেন। দীপেনের সঙ্গে আরও ১১ জন নেতাও হামরো পার্টি ছেড়ে বিজিপিএম দলে যোগ দিয়েছেন। এতে পাহাড়ের রাজনীতিতে অনেকটা প্রভাব পড়তে পারে বলে মনে করছে পাহাড়ের রাজনৈতিক মহল।



শিবতারা মন্দিরের নিত্যপূজার সদস্যপদ  
নিষ্পে মনস্কামনা পূরণ

মন্দিরের সেবায়েত

জ্যোতিষী শ্রী অভিশেক



বশীকরণ, শত্রুদমন, ব্যবসা, গ্রহদোষ, ব্যক্তিগত  
সমস্যার ধারন ছাড়াই সাফল্য

দমদম এয়ারপোর্ট, হাজরা ও অনলাইন

9836038552, 9831707570

Follow us on YouTube & Facebook : Sree Avishek